

Вольбы до органів самосправных країв

Інформація о условиях права волити і права быти волений

**Вольбы до органів самосправных країв будуть
в субботу 29. октября 2022 од 7:00 до 20:00 год.**

Право волити до органів самосправных країв

Право волити до органів самосправных країв мають обчан Словацькой републики ай чужінець, котрый має місто стабільного биваня в селі/місті, котре патрять до самосправного краю, або має місто стабільного биваня у воєнськїм обводі, котрый патрять на учелы волеб до органів самосправного краю до єго уземного цілку (дале лем: „жытель самосправного краю“) і найнекорше в день волеб досягне вік 18 років.

Прекажков права волити є законом окліщене обмежіня особной слободы з доводу охраны верейного здравя, кедь особітний закон в часі пандемії не встановить інакше.

Право быти волений до органів самосправных країв

За посланця заступительства самосправного краю може быти зволений жытель самосправного краю, котрый має місто стабільного биваня в селі/місті, або у воєнськїм обводі, котры належать до уземного цілку волебного обводу в котрім кандідує, а найнекорше в день волеб досягне вік 18 років.

За председу самосправного краю може быти зволений жытель самосправного краю, котрый найнекорше в день волеб досягне вік 25 років.

Прекажков быти волений є

- выкон тресту однятя слободы,
- правоплатне одсуджіня за умыселный трестный skutok, кедь одсуджіня не было заглажене,
- позбавлїня способности на правны діла.

Вольбы до органів самосправи сел

Інформація о условіях права волити і права быти волений

**Вольбы до органів самосправи сел будуть
в субботу 29. октября 2022 од 7:00 до 20:00 год.**

Право волити до органів самосправи сел

Право волити до органів самосправи сел має обчан Словацькой републики ай чужінець, котрый має місто стабільного бываня в селі (дале лем „жытель села“) і найнескорше в день волеб досягне вік 18 років.

Прекажков права волити є законом окліщене обмеджіня особной слободы з доводу охраны верейного здравя, кедь особітний закон в часі пандемії не встановить інакше.

Право быти волений до органів самосправи сел

За посланця обецного/міського заступительства в главнім місті Словацькой републики, а в місті Кошіці ай містного заступительства, може быти zvolenый жытель села/міста, котрый мать місто стабільного бываня в селі/місті, в котрім кандідує, а найнескорше в день волеб досягне вік 18 років.

За старосту села, пріматора міста, старосту міської части може быти zvolenый жытель села, котрый мать місто стабільного бываня в селі і найнескорше в день волеб досягне вік 25 років.

Прекажков быти волений є

- выкон тресту однятя слободы,
- правоплатне одсуджіня за умыселный трестный скуток, кедь одсуджіня не было загладжено,
- позбавліня способности на правны діла.